



**Jabatan Hal Ehwal Agama Islam Pulau Pinang**

**Khutbah Aidil Adha 1444H**

**Aidil Adha:  
Hayati Dan Syukuri**

**Tarikh Bacaan:  
10 Zulhijjah 1444H**

دبیایاء ی:



زكاة فولاو فینغ

دتریبتکن:



جابتن حال إحوال اگام اسلام فولاو فینغ

---

## *Jawatankuasa Panel Semakan Teks Khutbah*

### *Negeri Pulau Pinang*

---

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
- 2. Y.Bhg Dato' Rosli bin Othman**  
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Mantan Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**  
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)



Teks Khutbah Aidil Adha 1444H

## Aidil Adha: Hayati dan Syukuri

(10 ZULHIJAH 1444H)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

اللَّهُ أَكْبَرُ كَبِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ وَبِحَمْدِهِ بُكْرَةً وَأَصِيلًا.

الْحَمْدُ لِلَّهِ الْكَرِيمِ الْقَهَّارِ، الرَّحِيمِ الْغَفَّارِ، دَعَا عِبَادَهُ إِلَى أَشْرَفِ بَيْتٍ وَأَعْظَمِ مَزَارٍ،  
وَنَادَاهُمْ إِلَى أُمِّ الْقُرَى لِيَغْفِرَ لَهُمُ الذُّنُوبَ وَالْأَوْزَارَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، تَفَرَّدَ بِالْبَقَاءِ وَالِدَّوَامِ وَالْإِفْتِدَارِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ، خَيْرُ مَنْ طَافَ وَسَعَى وَرَمَى الْجِمَارَ.

صَلَّى اللَّهُ وَسَلَّمْ وَبَارَكَ عَلَى سَيِّدِنَا مُحَمَّدٍ خَيْرِ الْأَبْرَارِ، وَعَلَى آلِهِ الْأَطْهَارِ،  
وَصَحْبِهِ الْأَخْيَارِ، وَالتَّابِعِينَ وَتَابِعِيهِمْ بِإِحْسَانٍ مَا تَعَاقَبَ اللَّيْلُ وَالنَّهَارُ.

أَمَّا بَعْدُ، فَأُوصِيكُمْ أَيُّهَا النَّاسُ وَنَفْسِي بِتَقْوَى اللَّهِ، وَرَاقِبُوهُ وَلَا تَعْصُوهُ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

**'IBADALLAH RAHIMAKUMULLAH,**

Syukur ke hadrat Allah **سُبْحَانَهُ وَتَعَالَى** di atas segala nikmat kasih sayang dan rahmat-Nya telah mengizinkan kita bertemu lagi dengan Aidil

Adha yang cukup bermakna. Hari yang menggembirakan, bukan mendukakan, hari kita bersatu bukan berpecah belah, hari berkasih sayang, bukan kebencian dan persengketaan. Berdamai dan berlapang dadalah serta hubungkanlah silaturrahim dan ukhuwah sesame kita. Usah dicemari dengan kata-kata nista dan kelakuan yang tercela.

Bermula dari 9 Zulhijjah sehingga hari-hari *tasyrik*, ia merupakan hari kemuncak bagi seluruh umat Islam sama ada menunaikan ibadah haji ataupun tidak. Bagi yang berpeluang menunaikan ibadah haji kita doakan semoga semuanya dipermudahkan dalam mengerjakan ibadah, diberikan kesihatan yang baik serta dikurniakan haji yang mabrur. Manakala yang tidak berkesempatan usahlah rasa gunda gulana, Allah **سُبْحَانَهُ وَتَعَالَى** tetap membuka pintu-pintu amalan buat mereka.

Bagi menterjemahkan rasa syukur atas segala ujian dan nikmat yang telah dikurniakan oleh Allah **سُبْحَانَهُ وَتَعَالَى**, marilah kita bersama-sama menghayati khutbah yang bertajuk “**Aidil Adha: Hayati dan Syukuri.**”

**اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.**

#### **MUSLIMIN MUSLIMAT YANG DIRAHMATI ALLAH,**

Khatib pada hari yang mulia ini ingin mengajak sekalian muslimin dan muslimat menghayati setiap ibadah dan amalan kita bermula dari selepas solat subuh 9 Zulhijjah sehingga hari-hari *tasyrik*. Bukan semata-mata sibuk bertandang atau berkunjung dari rumah ke rumah untuk beraya tetapi berusaha memanfaatkan hari-hari tersebut dengan amal ibadah dan amal kebajikan secara maksimum.

Melihat kepada kelebihan 10 hari pertama bulan Zulhijjah ini maka tidak sewajarnya detik-detik tersebut dibiarkan berlalu begitu sahaja. Daripada Ibnu Abbas رَضِيَ اللَّهُ عَنْهُ, Nabi صَلَّى اللَّهُ عَلَيْهِ وَسَلَّمَ bersabda:

مَا مِنْ أَيَّامٍ الْعَمَلُ الصَّالِحُ فِيهَا أَحَبُّ إِلَى اللَّهِ مِنْ هَذِهِ الْأَيَّامِ يَعْنِي أَيَّامَ الْعَشْرِ،  
قَالُوا: يَا رَسُولَ اللَّهِ، وَلَا الْجِهَادُ فِي سَبِيلِ اللَّهِ؟ قَالَ: وَلَا الْجِهَادُ فِي سَبِيلِ اللَّهِ، إِلَّا  
رَجُلٌ خَرَجَ بِنَفْسِهِ وَمَالِهِ، فَلَمْ يَرْجِعْ مِنْ ذَلِكَ بِشَيْءٍ.

Maksudnya: “Tiada hari yang amalan soleh yang paling disukai oleh Allah untuk dilakukan melainkan hari-hari ini, Baginda maksudkan 10 hari terawal Zulhijjah. Para sahabat bertanya: Wahai Rasulullah, walaupun jihad di jalan Allah tidak dapat menandinginya?” Baginda bersabda: Walaupun jihad di jalan Allah tidak dapat menandinginya, melainkan seorang lelaki yang keluar berjihad diri dan hartanya, kemudian dia langsung tidak kembali.”

﴿Hadis Riwayat Al-Bukhari, Abu Daud, Ibnu Majah dan At-Tirmizi﴾

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

## MUSLIMIN MUSLIMAT YANG DIKASIHI ALLAH,

Ketahuilah bahawa bulan Zulhijjah ini adalah bulan yang mendidik jiwa seorang muslim yang mengaku beriman dengan pengorbanan. Melalui pengorbananlah akan terzahir keikhlasan dalam usaha mendekatkan diri kepada Allah سُبْحَانَهُ وَتَعَالَى dan mencari keredhaannya. Lihat dan hayatilah pengorbanan Nabi Ibrahim عَلَيْهِ السَّلَامُ ketika menerima perintah daripada Allah agar menyembelih anaknya.

Namun ujian buat kita tidaklah seberat ujian yang dihadapi oleh Nabi Ibrahim dan Nabi-nabi yang lain. Ibadah haji misalnya, mendidik kita untuk berkorban harta benda dan wang bagi setiap muslim yang mukallaf dan berkemampuan.

Selain dari itu, ibadah ini juga melatih diri untuk berkorban jiwa dan tenaga demi memastikan kesempurnaan ibadah. Mana mungkin seseorang yang tiada wang ringgit, tiada kemampuan fizikal dan mental untuk melakukan ibadah dengan sempurna. Pengorbanan ini amat mencabar nafsu yang bergelodak di dalam diri kita yang sentiasa tertarik dengan keseronokan dan kemewahan dunia berbanding melaburkan harta benda untuk ibadah. Oleh yang demikian, tidak sedikit dari mereka yang kaya dan ada upaya tidak berkeinginan untuk menunaikan ibadah haji.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

## **MUSLIMIN MUSLIMAT YANG DIMULIAKAN ALLAH,**

Ibadah korban juga perlu kepada pengorbanan wang ringgit bagi mendapatkan haiwan yang terbaik untuk dijadikan haiwan korban. Bukan hanya sibuk mencari pakej korban yang termurah semata-mata tanpa mengambil kira kualiti dan syarat-syarat korban tersebut.

Paling malang masih ada yang gagal memahami tatacara dan matlamat ibadah yang dikehendaki oleh Allah dan Rasul-Nya. Masih ada yang berkorban, namun daging tersebut dimakan bersama sanak saudara selain disimpan oleh mereka sebagai stok makanan dan tidak diberikan kepada fakir miskin. Apakah ini cara menzahirkan pengorbanan kita kepada-Nya?

Fahamilah wahai saudara-saudaraku, tidak bermakna ibadah korban kita jika tidak sampai daging-daging korban tersebut ke tangan orang fakir atau miskin. Oleh yang demikian, mereka yang melakukan korban atau yang menganjurkan ibadah korban hendaklah berwaspada, beramanah dan bertanggungjawab.

Fahamilah bahawa ibadah korban adalah salah satu daripada syiar agama, sunnah Nabi Muhammad ﷺ yang perlu diikuti bagi mendekatkan diri kepada Allah ﷻ. Firman-Nya dalam surah Al Hajj ayat 37:

لَنْ يَنَالَ اللَّهُ لُحُومَهَا وَلَا دِمَائُهَا وَلَكِنْ يَنَالُهُ التَّقْوَىٰ مِنْكُمْ كَذَٰلِكَ سَخَّرَهَا لَكُمْ لِتُكَبِّرُوا اللَّهَ عَلَىٰ مَا هَدَيْكُمْ وَبَشِّرِ الْمُحْسِنِينَ ﴿٣٧﴾

Maksudnya: “Daging-daging unta dan darahnya itu sekali-kali tidak dapat mencapai (keredhaan) Allah, tetapi ketakwaan dari kamulah yang dapat mencapainya. Demikianlah Allah telah menundukkannya untuk kamu supaya kamu mengagungkan Allah terhadap hidayahnya kepada kamu. Dan berilah khabar gembira kepada orang-orang yang berbuat baik.”

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

## MUSLIMIN MUSLIMAT YANG DIKASIHI ALLAH,

Setiap amal ibadah hendaklah dilakukan dengan sebaik dan sesempurna yang mungkin serta bersungguh-sungguh. Persembahan kita

melalui ibadah adalah semata-mata untuk menzahirkan keikhlasan kita dalam mentaati perintah-Nya.

Sesungguhnya amalan yang akan menentukan kedudukan kita di sisi Allah. Maka usahlah berkira-kira dalam melaksanakan ibadah. Sedarilah bahawa Allah tidak pernah berkira sekalipun kita masih belum sempurna mengikut arahan-Nya. Memadailah dengan rahmat-Nya memberi keupayaan untuk kita melakukan ibadah korban ini. Maka zahirkan pula sikap perhambaan yang tertinggi dalam diri dengan sifat pemurah dan prihatin kepada hamba-hamba Allah yang lebih memerlukan.

### **SIDANG JEMAAH YANG BERBAHAGIA,**

Di akhir khutbah pada hari ini, ingin khatib sekali lagi menegaskan dengan beberapa kesimpulan:

1. Bersyukur ke hadrat Allah yang sentiasa melimpahkan kepada kita nikmatnya yang banyak termasuklah nikmat berada dalam bulan yang menjanjikan ganjaran besar ini.
2. Hayatilah kehadiran bulan yang mulia ini dengan menghayati ibadah-ibadah khusus yang disarankan untuk dilakukan di dalamnya iaitu ibadah haji, umrah dan ibadah korban.
3. Lakukanlah setiap ibadah yang disyariatkan dengan bersungguh-sungguh dan terbaik serta jangan diambil ringan.
4. Setiap ibadah perlu dilakukan sebagaimana yang sepatutnya iaitu berdasarkan ilmu bukannya berlandaskan nafsu.

Firman Allah dalam surah Al-Hajj ayat 34:

وَلِكُلِّ أُمَّةٍ جَعَلْنَا مَنْسَكًا لِّيَذْكُرُوا اللَّهَ عَلَىٰ مَا رَزَقَهُمْ مِّنْ بَهِيمَةٍ الْأَنْعَامِ فَالْهُكْمُ لِلَّهِ  
وَاحِدٌ فَلَهُ أَسْلِمُوا<sup>ط</sup> وَبَشِّرِ الْمُخْبِتِينَ ﴿٣٤﴾

Maksudnya: “Dan bagi tiap-tiap umat telah Kami syariatkan penyembelihan (korban), supaya mereka menyebut nama Allah terhadap binatang ternak yang telah direzekikan Allah kepada mereka, maka Tuhanmu ialah Tuhan yang Maha Esa, kerana itu berserah dirilah kamu kepada-Nya. Dan berilah khabar gembira kepada orang-orang yang tunduk patuh (kepada Allah).”

بَارَكَ اللَّهُ لِي وَلَكُمْ بِالْقُرْآنِ الْعَظِيمِ. وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ. وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُوكَ اللَّهُ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوكَ إِنَّهُ هُوَ الْغَفُورُ الرَّحِيمُ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ،  
اللَّهُ أَكْبَرُ وَلِلَّهِ الْحَمْدُ.



## Khutbah Kedua Aidil Adha

(10 ZULHIJAH 1444H)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،  
اللَّهُ أَكْبَرُ، وَلِلَّهِ الْحَمْدُ.

الْحَمْدُ لِلَّهِ رَبِّ الْعَالَمِينَ، حَمْدًا كَثِيرًا طَيِّبًا مُبَارَكًا فِيهِ عَلَى كُلِّ حَالٍ،

أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا رَسُولُ اللَّهِ لَا نَبِيَّ بَعْدَهُ.

اللَّهُمَّ صَلِّ وَسَلِّمْ عَلَى هَذَا النَّبِيِّ الْكَرِيمِ وَالرَّسُولِ الْعَظِيمِ سَيِّدِنَا وَحَبِيبِنَا مُحَمَّدٍ  
وَعَلَى آلِهِ وَأَصْحَابِهِ وَمَنْ أَحَبَّهُ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَلَا  
تَمُوتُنَّ إِلَّا وَأَنْتُمْ مُسْلِمُونَ.

### MUSLIMIN DAN MUSLIMAT YANG DIRAHMATI ALLAH,

Alhamdulillah, marilah kita bersama-sama memanjatkan kesyukuran kepada Allah **سُبْحَانَهُ وَتَعَالَى** kerana telah mengizinkan kita bersama-sama menyambut perayaan Aidil Adha pada tahun ini. Hargailah nikmat ini dengan kesyukuran kepada Allah dan memperbanyakkan ibadah kepada-Nya.

Pada hari yang berbahagia ini, khatib juga ingin mengingatkan kita kepada perkara yang menjadi tuntutan sesama kita. Tidak sempurna keimanan seseorang jika mengabaikannya. Perkara yang khatib maksudkan ialah keprihatinan kita terhadap saudara kita yang diuji dengan kesusahan dan kesempitan hidup lebih-lebih lagi dalam suasana ekonomi

kurang stabil ketika ini. Ujian Allah melalui pendemik Covid-19 yang berlaku pada 2 tahun yang lalu benar-benar memberi kesan yang mencabar sehingga ke hari ini.

Ada dalam kalangan kita yang hilang pekerjaan. Ada juga yang hingga kini merosot tahap kesihatan sehingga memberi kesan untuk meneruskan kerja. Lebih menyedihkan ada antara kita yang hilang tempat bergantung kerana kematian dari jangkitan Covid-19. Maka siapa lagi yang mereka harapkan selain daripada pihak pemerintah untuk menghulurkan bantuan begitu juga masyarakat sekeliling. Daripada Anas bin Malik رَضِيَ اللَّهُ عَنْهُ, bahawa nabi صَلَّى اللَّهُ عَلَيْهِ وَسَلَّمَ bersabda:

لَا يُؤْمِنُ أَحَدُكُمْ، حَتَّى يُحِبَّ لِأَخِيهِ مَا يُحِبُّ لِنَفْسِهِ

Maksudnya: “Tidak beriman (sempurna iman) seseorang itu sehingga dia kasih kepada saudaranya sebagaimana dia kasih kepada dirinya sendiri.”

﴿Hadis Riwayat Al-Bukhari﴾

Terjemahkanlah rasa kasih dan sayang sesama kita dengan menghulurkan bantuan yang diperlukan sepertimana yang disebut dalam hadis yang diriwayatkan oleh Ibnu Umar yang bermaksud:

“Seseorang muslim adalah saudara kepada muslim yang lain. Dia tidak boleh menzaliminya dan tidak boleh membiarkannya dizalimi oleh orang lain. Barangsiapa yang memenuhi keperluan saudaranya maka Allah akan memenuhi keperluannya. Barangsiapa yang melepaskan sesuatu kesulitan saudaranya, maka Allah akan melepaskan salah satu kesulitannya di Hari Kiamat dan barangsiapa yang menyembunyikan keaiban seorang muslim lain, maka Allah akan menyembunyikan keaibannya di Hari Kiamat.”

﴿Hadis Muttafaquun Alaih﴾

Subhanallah. Lihatlah betapa besar ganjaran bagi orang yang saling membantu menghilangkan atau mengurangi kepayahan saudaranya. Saidina Umar رَضِيَ اللَّهُ عَنْهُ juga pernah berkata dalam doanya:

*“Ya Allah! Engkau limpahkanlah kelebihan rezeki itu kepada orang-orang yang menjadi pilihan antara kita, sebab barangkali mereka itu akan mengembalikan rezeki tadi kepada orang-orang yang berhajat di antara kita.”*

Rasulullah صَلَّى اللَّهُ عَلَيْهِ وَسَلَّمَ juga bersabda:

*“Tidaklah seseorang muslim yang memberi pakaian kepada orang muslim yang lain, kecuali ia di dalam lindungan Allah selama pakaian itu masih ada, sekalipun sehelai kain.”*

﴿Hadis Riwayat At-Tirmizi﴾

### **SAUDARA-SAUDARIKU YANG DIKASIHI,**

Setidak-tidaknya jadikan kewujudan saudara-saudara kita yang tidak berkemampuan ini sebagai pintu kebaikan dan nikmat Allah buat kita untuk mencapai reda-Nya. Maka berlumba-lumbalah kita menghulurkan bantuan. Usahlah berkira-kira dan teragak-agak. Sesungguhnya tidak akan berkurangan harta bagi yang bersedekah. Rasulullah صَلَّى اللَّهُ عَلَيْهِ وَسَلَّمَ bersabda dengan maksud: *“Tidaklah sedekah itu mengurangi harta”*

﴿Hadis Riwayat Muslim﴾

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

### **MUSLIMIN DAN MUSLIMAT YANG DIRAHMATI ALLAH,**

Pada hari ini juga, marilah kita memperbanyakkan ucapan selawat dan salam ke atas junjungan besar Nabi Muhammad ﷺ. Firman Allah ﷻ dalam surah Al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ وَسَلِّمْ وَبَارِكْ عَلَى عَبْدِكَ وَرَسُولِكَ سَيِّدِنَا مُحَمَّدٍ النَّبِيِّ الْأُمِّيِّ. وَارْضَ اللَّهُمَّ عَنِ الْأَرْبَعَةِ الْخُلَفَاءِ الرَّاشِدِينَ وَعَنْ آلِهِ وَأَصْحَابِهِ أَجْمَعِينَ. وَعَنِ التَّابِعِينَ وَتَابِعِيهِمْ بِإِحْسَانٍ إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ.

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

## وَكَذَلِكَ صَاحِبُ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ  
الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ  
عَامَّةً يَا رَبَّ الْعَالَمِينَ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ  
وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ وَاشْكُرُوا  
عَلَى نِعَمِهِ يَزِدْكُمْ وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا  
تَصْنَعُونَ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.